

docriver 文川网
古籍书城
入驻商家
在文川网搜书古籍书城 获取更多电子书

中國方志叢書·華中地方·第一三七號

據

清·謝庭薰修，陸錫熊纂
清乾隆五十三年刊本


影印

江蘇省

婁縣志

(一)

成文出版社有限公司印行



10096380

R 45 1006

中國方志叢書·華中地方·第一三七號

據

清·謝庭薰修，陸錫熊纂
清乾隆五十三年刊本


影印

江蘇省

婁縣志

(二)

成文出版社有限公司印行



10096381

中國方志叢書·華中地方·第一三七號

據

清·謝庭薰修，陸錫熊纂
清乾隆五十三年刊本


影印

江蘇省

婁縣志

(三)

成文出版社有限公司印行



10096382

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第一三七號

據

清·謝庭薰修，陸錫熊纂
清乾隆五十三年刊本

影印

江蘇省

婁縣志

(四)

成文出版社有限公司印行



10096383

中華民國六十三年六月壹一版

婁縣志

全四冊

發行人：黃成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

婁縣志序

縣各有志所以正疆域經土田稽賦稅
豐物產輯氓庶興賢能利由茲興弊由
茲除非徒備掌故已也顧前無承襲則
創始難遞經沿革則徵引難廣為蒐輯
則考核難非良史才博綜而嚴覈之固
未易成書苟成矣非庶能吏及時振興
之亦無由卒業攷婁置縣自秦始其名

最古歷漢晉未改中間省弗置者凡千
一百五十年

國朝順治十三年析華亭縣地復置雍正
二年又析縣之西南置金山今縣地東
南界華亭西北界青浦東北界上海西
南界金山及浙之嘉善廣四十餘里袤
百里與華亭同附松江月浦其大略

洪惟

聖祖仁皇帝省方覃慶兩幸斯土

宸章闡澤敷賁雲天

世宗憲皇帝蠲免官田浮糧至優極渥我

皇上嗣服更加裁減時復疊沛

恩膏保泰綏豐迄今百四十餘年民物之阜

安川原之行沃邑居之殷軫商賈之駢

坰與夫宗工傑士頡頏後先論都者稱

鉅邑焉余以循行時經其地睨豈機之

秀越溯泐澱之淪漣輒穆然于歐陽公
豐樂亭記所云休養生息者若我

聖朝重熙累洽伊古以來實罕倫比豈不盛哉

縣本無志華亭僅傳前明舊本府志不
脩且百有餘年紀錄闕如謝令涖任三
年會大理卿陸公讀禮家居亟以此事
懇請大理典校中秘允推鉅筆于焉嚴

立體裁慎辨區域綜核廢興博徵文獻

通年成言三十卷余受而讀之洵善志
矣竊嘗以為敦俗莫若崇儉盡職必先
有守有守而後職可盡崇儉而後俗可
敦賢士大夫處則以禮教節儉化其鄉
出則以廉直慎勤効于國于以對揚
聖治寧有歟歟謝令能加意于斯可謂知所
務矣抑知所務者即可知所法若李令
復興之定均田均役法史令彬之設丁

產冊與區里簿其實心愛民何如也亦
惟隨分自盡而已刻既竣請序于余因
書以勗之嘗

乾隆五十有二年歲次丁未孟冬
撫吳使者吳興閔鶚元序



吳郡志序

古之方志自越絕書始而顧啟期之婁地記顧夷之吳郡記次之越絕志越及吳二顧所記皆吳地也然則言地志者宜莫先吳矣漢之吳郡北距江南至嶺嶠地方數千里會稽割置以後猶包今江蘇六府州之地唐宋華亭一縣元析為二置松江府始別於蘇州明

又析為三數世以後賦重民繁有司不能徧理又稍稍析之其勢然也

國朝底定江南順治十三年分華亭之西南境置縣取漢婁縣名名之同治郭下於時海氛告靖生聚日滋

聖祖時巡方岳於焉肆觀海隅蒼生仰愛
天澤歡若家人

世宗蠲免浮糧俾景定官田五百餘年之害一

朝釋負

皇上撫重熙之運久道化成文治田功漸彼
江海是縣有屢豐之慶無用威之煩
故以

開國之建置

列朝之教養百四十年以來名臣節士孝子順
孫異世間出前後相望至官師遷除賦
役更定一方之經制繫焉而志乘闕如

未有舉其事者問之者舊稽之案牘
蓋月遠日難矣吾宗大令彈琴多暇
仕優而學以守土之官徵文攷獻延致
吾友大理卿陸公創為是志大理典校
祕書延閣曲臺之藏皆其刊定茲以江
東舊族資於家世見聞博采羣書爰
蒐圖牒成書若干卷斟酌古今詳而
有體良史別裁於斯為至時則清江

楊公以詞林宿望周列臺省老於掌故
適來守是邦德星所聚仁風載揚婁
之士大夫趨事勸功樂觀厥成不期歲
而汗青可寫邦之政事於是乎出簿書
期會於是乎稽可謂見其大者矣予嘗
謂列史斷代為書自班氏而下相沿不
草獨近世州縣之志更數十年而一修
則取舊志更張之稍傳以新事於是前

docsriver 文川网
入驻商家 古籍书城

在文川网搜索古籍书城 获取更多电子书

人編錄之意遂不可復尋凡所記載不知著自誰何後世亦難引據且篇帙日繁勢將胡底是志出於創始前無所襲以大理鴻才雅體又得賢守令之助勒為成書後有作者循會稽續志之例勿紊施宿成規其亦可矣余家嘉善之清風淫舍北一水即冀之南竟舊德先疇語其風土又以再奉使節典學

江南是書之成得與商榷自惟踈淺不能有所裨益蓋撫卷有餘愧焉

乾隆五十年十二月

經筵講官吏部左侍郎

上書房行走提督江蘇學政嘉善謝墉序



			五 十 五 月
--	--	--	------------------

婁縣志叙

郡邑之有志史之流別也資紀述以踵成者易憑覩聞以創始者難婁之為縣肇於秦或以松江東北入海為婁江縣以受名吳張昭陸遜皆侯於婁是縣也而國之矣其後或隸於州郡或隸於軍府或統於華亭一縣以

嘉興志 序
二千年來之故實洎我

熙朝釐定之章程雖郡乘記載具有成書
而婁為分邑版籍混淆文獻難攷即
如崑基婉變轉指馬鞍淝息風雲妄
談稅井其他山川人物疆域沿革傳
信傳疑未能枚舉固生是邦者所當
講明而切究之抑守斯土者布治之

餘博求掌故亦賢士大夫之責也楊
培山館丈出守雲間適謝明府來蒞
是邑能興廢舉墜以為邑志不可無
作延余同年陸耳山副憲纂輯成書
丁未春余視學來是邦明府鋟板甫
成來質凡三十卷書法謹嚴良史裁
也發凡十例而特書曰新志明創始

也方今

聖天子紹膺寶錄教養休息醲化醇粹漸
訖海隅

特勅石渠東觀諸臣搜采海內數十年來
所有事蹟及新定經制以增脩一統
志則取卽縣各志而紬繹之緯，鉅
經義該意晰豈以瑤珉所產靈淋所

鍾實為東南名邑而獨可闕如者乃
曩昔宴之所無今於是乎在況以江
東舊族鴻才久典秘書世推著作猶
復博訪故老旁稽野乘而斟酌之而
編錄之其足以信今傳後厥功匪淺
是不獨守是邦與宰是邑者樂觀厥
成即余之奉使節而至者亦樂藉此

以為采風問俗之資也是為序

乾隆五十二年三月下澣

賜進士及第

南書房供奉兵部左侍郎提督江蘇學政
平湖沈初書於松江試院之叢桂堂



婁縣志序

沈休文作宋書無載晉魏而肥如一縣分
屬廣陵沛郡論者以為失於限斷志固史
之流別也婁舊無志自

國初析縣以來與華亭同附郡郭版籍散混
文獻難稽謝令莅任三載有志修舉適值
前大理卿陸公讀禮家居之暇相與延請

討論百四十餘年之故實，初為新志，悉本
馬班之例，辨異於同，不煩不濫，誠良史裁
也。而人物不分門目，疆域不列星野，尤為特
識。真不沿世俗之陋者，願以大理承明著作
之才，資於家世見聞，網羅蒐輯，勒為成書。
誠非所難，而余獨喜其核實綜要，文約事
該，尤得史家謹嚴之體。此則視其人之品

之守又不盡闕學矣嘗怪近代所作圖經
牽合影附率多矜誇不實甚或藉為游
揚之具以班馬人物表猶有受金鷲筆之譏
餘可知已謝令之為是書也虛衷商訂敦
本務實其學與守一一可見行將使一邑
之人知所信從共相砥礪庶隅學修行舉以
期勉為

docsriver 文川网
入驻商家 古籍书城

在文川网搜索古籍书城 获取更多电子书

盛世良民是則余不獨為載筆者幸并為
一方之風俗幸也故於其志之告成也樂
得而為之序

乾隆五十三年夏月分巡江蘇松太等處
觀察使者張銘序



婁縣志敘

鹿城東北三里許秦漢會稽郡之婁縣治也其域在禹貢揚州東南邊裔包今松太以外世言婁縣得名於婁江而婁江一水出太倉過崑山即姑蘇亦波及而有婁門之名焉三國時吳改縣而為婁侯國晉宋南齊又為婁縣梁省入信義縣尋分置崑